


弘化

改正

古文前集

中

~ 16
378
2



41
18
378

魁本大字諸儒箋解古文真寶卷之中前集

○七言古風短篇

峨眉山月歌

李太白



峨眉山月半輪秋影入平羌江水流夜發清溪

向三峽思君不見下渝州

山中答俗人

同

問余何意栖碧山笑而不答心自閑桃花流水

窅然去。別有天地非人間。

秦月隱

山中對酌

同

兩人對酌山花開。一盃一盃復一盃。我醉欲眠君且去。明朝有意抱琴來。

春夢

岑參

洞房昨夜春風起。遙憶美人湘江水。枕上片時春夢中。行盡江南數千里。

少年行

王維

新豐美酒斗十千。咸陽遊俠多少年。相逢意氣

為君飲。繫馬高樓垂楊邊。

尋隱者不遇

魏野

尋真誤入蓬萊島。香風不動松花老。採芝何處未歸來。白雲滿地無人掃。

步虛詞

高駢

青溪道士人不識。上天不識。天下天鶴一隻。洞門深鎖碧窓寒。滴露研朱點周易。

十竹

僧清順

城中寸土如寸金。幽軒種竹僅十箇。春風慎勿

長兒孫。穿我塔前綠苔破。

遊三遊洞

蘇子瞻

凍雨霏霏半城雪。遊人屢冷蒼崖滑。不辭携被

岩底眠。洞口雲深夜無月。

漁翁

柳子厚

漁翁夜傍西岩宿。曉汲清湘燃楚竹。煙消日出

不見人。欸乃一聲山水綠。回見天際下中流。岩

上無心雲相逐。

金陵酒肆留別

李太白

風吹柳花滿店香。吳姬壓酒喚客嘗。金陵子弟

來相送。欲行不行各盡觴。請君試問東流水。別

意與之誰短長。

思邊

同

去歲何時君別妾。南園綠艸飛蝴蝶。今歲何時

妾憶君。西山白雲暗秦雲。玉關去此三千里。欲

寄音書那得聞

鳥夜啼

同

黃雲城邊鳥欲樓歸飛啞啞枝上啼機中織錦

秦川女碧紗如煙隔窓語停梭悵然憶遠人獨

宿孤房淚如雨

戲和答禽語

黃山谷

南村北村雨一犁新婦餉姑翁哺兒田中啼鳥

自四時催人脫袴著新衣著新替舊亦不惡去

年租重無袴著

採蓮曲

李太白

若耶溪傍採蓮女笑隔荷花共人語日照新粧

水底明風飄香袖空中舉岸上誰家遊冶郎三

三五五映垂楊紫驪嘶入落花去見此躊躇空

斷腸

清江曲

蘇庠

屬玉雙飛水滿塘菰蒲深處浴鴛鴦白蘋滿棹

歸來晚。秋著蘆花兩岸霜。扁舟繫岸依林樾。蕭蕭兩鬢吹華髮。萬事不理醉復醒。長占煙波弄明月。

登金陵鳳凰臺

李太白

鳳凰臺上鳳凰遊。鳳去臺空江自流。吳宮花草埋幽徑。晉代衣冠成古丘。三山半落青天外。二水中分白鷺洲。總為浮雲能蔽日。長安不見使人愁。

早春寄王漢陽

同

聞說春還未相識。起傍寒梅訪消息。昨夜東風入武陽。陌頭楊柳黃金色。碧水渺渺雲茫茫。美人不來空斷腸。預拂青山一片石。與君連日醉壺觴。

金陵城西樓月下吟

同

金陵夜寂涼風發。獨上高樓望吳越。彩霞映水搖空城。白露垂珠滴秋月。月下長吟久不歸。古

今相接眼中稀。解道澄江靜如練。令人却憶謝玄暉。

題東溪公幽居

同

杜陵賢人清且廉。東谿卜築歲將淹。宅近青山

同謝眺。門垂碧柳似陶潛。好鳥迎春歌後院。飛

花送酒舞前簷。客到但知畱一醉。盤中祇有水

精鹽

上李邕

同

大鵬一日同風起。扶搖直上九萬里。假令風歇

時下來。猶能簸却滄溟水。世人見我恆殊調。聞

余大言皆冷笑。宣父猶能畏後生。丈夫未可輕

年少

歎庭前甘菊花

杜子美

簷前甘菊移時晚。青葉重陽不堪摘。明日蕭條

盡醉醒。殘花爛熳開何益。籬邊野外多衆芳。采

擷細瑣升中堂。念茲空長大枝葉。結根失所纏

風霜

秋雨歎

同

雨中百艸秋爛死。塔下決明顏色鮮。著葉滿枝翠羽蓋。開花無數黃金錢。涼風蕭蕭吹汝急。恐汝後時難獨立。堂上書生空白頭。臨風三嗅馨香泣。

二月見梅

唐子西

桃花能紅李能白。春深何處無顏色。不應尚有

一枝梅。可是東君苦留客。向來開處當嚴冬。白者未白紅未紅。只今已是丈人行。肯與年少爭春風。

水仙花

黃山谷

凌波仙子生塵鞮。水上盈盈步微月。是誰招此斷腸魂。種作寒花寄愁絕。含香體素欲傾城。山礬是弟梅是兄。坐對真成被花惱。出門一笑大江橫。

江橫

古今前集

二

登黃鶴樓

崔顥

昔人已乘黃鶴去。此地空餘黃鶴樓。黃鶴一去不復返。白雲千載空悠悠。晴川歷歷漢陽樹。春艸萋萋鸚鵡洲。日暮鄉關何處是。煙波江上使人愁。

贈唐衢

韓退之

虎有爪兮牛有角。虎可搏兮牛可觸。奈何君獨抱奇才。手持犁鋤餓空谷。當今天子急賢良。匭

函朝出開明光。胡不上書自薦達。坐令四海如虞唐。

古意

同

太華峰頭玉井蓮。開花十丈藕如船。冷比雪霜甘比蜜。一片入口沉痾痊。我欲求之不憚遠。青壁無路難寅緣。安得長梯上摘實。下種七澤根株連。

贈鄭兵曹

同

樽酒相逢十載前。君為壯父我少年。樽酒相逢
十載後。我為壯父君白首。我才與世不相當。最
鱗委翅無復望。當今賢俊皆周行。君何為乎亦
遲遲。盃行到君莫停手。破除萬事無過酒。

雉帶箭

同

原頭火燒淨兀兀。野雉畏鷹出復沒。將軍欲以
巧服人。盤馬彎弓惜不發。地形漸窄觀者多。雉
驚弓滿勁箭加。衝人決起百餘尺。紅翎白鏃相

傾斜。將軍仰笑軍吏賀。五色離披馬前墮。

南陵叙別

李太白

白酒初熟山中歸。黃雞豕黍秋正肥。呼童烹雞
酌白酒。兒女嬉笑牽人衣。高歌取醉欲自慰。起
舞落日爭光輝。游說萬來苦不早。著鞭跨馬涉
遠道。會稽愚婦輕買臣。余亦辭家西入秦。仰天
大笑出門去。我輩豈是蓬蒿人。

月夜與客飲酒杏花下

蘇子瞻

杏花飛簾散餘春。明月入戶尋幽人。褰衣步月

踏花影。烟如流水涵青蘋。花間置酒清香發。爭

挽長條。落香雪山城。薄酒不堪飲。勸君且吸盃

中月。洞簫聲斷月明中。惟憂月落酒盃空。明朝

卷地春風惡。但見綠葉栖殘紅。

人日寄杜二拾遺

高適

人日題詩寄艸堂。遙憐故人思故鄉。柳條弄色

不忍見。梅花滿枝空斷腸。身在南藩無所預。心

抱百憂復千慮。今年人日空相憶。明年人日知

何處。一臥東山三十春。豈知書劍老風塵。龍鍾

還忝二千石。愧爾東西南北人。

流夜郎贈辛判官

李太白

昔在長安醉花柳。五侯七貴同盃酒。氣岸遙凌

豪士前。風流肯落他人後。夫子紅顏我少年。章

臺走馬著金鞭。文章獻納麒麟殿。歌舞淹留玳

瑁筵。與君相謂長如此。寧知艸動風塵起。函谷

世文前集 十

忽驚胡馬來。秦宮桃李向誰開。我愁遠謫夜郎去。何日金雞放赦回。

醉後荅丁十八以詩譏予搥碎黃鶴樓

同

黃鶴高樓已搥碎。黃鶴仙人無所依。黃鶴上天

訴上帝。卻放黃鶴江南歸。神明太守再雕飾。新

圖粉壁還芳菲。一州笑我為狂客。少年往往來

相譏。君平簾下誰家子。云是遼東丁令威。作詩

悼我驚逸興。白雲遶筆牕前飛。待取明朝酒醒

罷。與君爛熳尋春輝。

採石月贈郭功甫

梅聖俞

採石月下訪謫仙。夜披錦袍坐釣船。醉中愛月

江底懸。以手弄月身翻然。不應暴落飢蛟涎。便

當騎鯨上青天。青山有冢人謾傳。卻來人間知

幾年。在昔孰識汾陽王。納官貫死義難忘。今觀

郭喬奇俊郎。眉目真似功文章。死生往復猶康

莊樹穴探環知姓羊

把酒問月

李太白

青天有月來幾時。我今停盃一問之。人攀明月不可得。月行卻與人相隨。皓如飛鏡臨丹闕。綠煙滅盡清輝發。但見宵從海上來。寧知曉向雲間沒。白兔搗藥秋復春。姮娥孤栖與誰鄰。今人不見古時月。今月曾經照古人。古人今人如流水。共看明月皆如此。惟願當歌對酒時。月光長

照金樽裏

柵木為風雨所拔歌

杜子美

倚江柵樹艸堂前。故老相傳二百年。誅茅卜居總為此。五月髣髴聞寒蟬。東南飄風動地至。江翻石走流雲氣。幹排雷雨猶力爭。根斷泉源豈天意。滄波老樹性所愛。浦上重重一青蓋。野客頻留懼雪霜。行人不過聽竽簫。虎倒龍顛委榛棘。淚痕血點垂胸臆。我有新詩何處吟。艸堂自

此無顏色

題大乙真人蓮葉圖

韓子蒼

大乙真人蓮葉舟。脫巾露髮寒颼颼。輕風為帆

浪為楫。卧看玉宇浮中流。中流蕩漾翠綃舞。穩

如龍驤萬斛舉。不是峯頭十丈花。世間那得葉

如許。龍眠盡手老入神。尺素幻出真天人。恍然

坐我水仙府。蒼煙萬頃波粼粼。玉堂學士今劉

向。禁直岩峩九天上。不須對此融心神。會植青

藜夜相訪

哀江頭

杜子美

少陵野老吞聲哭。春日潛行曲江曲。江頭宮殿

鎖千門。細柳新蒲為誰綠。憶昔霓旌下南苑。苑

中萬物生顏色。昭陽殿裏第一人。同輦隨君侍

君側。輦前才人帶弓箭。白馬嚼齧黃金勒。翻身

向天仰射雲一箭。正墜雙飛翼。明眸皓齒今何

在。血污遊魂歸不得。清渭東流劔閣深。去住彼

...

此無消息。人生有憾。淚沾臆。江水江花。豈終極。
黃昏胡騎。塵滿城。欲往城南。忘走北。

燕子亭

馬子才

李白騎鯨飛上天。江南風月閑多年。縱有高亭

與美酒。何人一斗詩百篇。主人定是金龜老。未

到亭中名已好。紫蠟肥時晚稻香。黃雞啄處秋

風早。我憶金鑾殿上人。醉著宮錦烏角巾。巨靈

擘山。洪河竭。長鯨吸海。萬壑貧。如傾元氣入胸

腹。須臾百媚生。陽春讀書不必破。萬卷筆下自

有鬼與神。我曹本是狂吟客。寄語溪山莫相憶

他年須使襄陽兒。再唱銅鞮滿街陌。

虞美人

曾子固

鴻門玉斗紛如雪。十萬降兵夜流血。咸陽宮殿

三月紅。霸業已隨煙燼滅。剛強必死仁義王。陰

陵失道非天亡。英雄本學萬人敵。何用屑屑悲

紅粧。三軍散盡旌旗倒。玉帳佳人坐中老。香魂

夜逐劍光飛。青血化為原上艸。芳心寂寞寄寒枝。舊曲聞來似斂眉。哀怨徘徊愁不語。恰如初聽楚歌時。滔滔逝水流。今古漢楚興亡兩丘土。當年遺事久成空。慷慨樽前為誰舞。

刺年少

李長吉

青驄馬肥金鞍光。龍腦入縷羅衣香。美人狎坐飛瓊觴。貧人喚云天上郎。別起高樓連碧篠。絲曳紅鱗出深沼。有時半醉百花前。背把金丸落

飛鳥。自說生來未為客。一身美妾過三百。豈知斲地種田家。官稅頻催沒入織。長金積玉誇豪毅。每揖閑人多意氣。生來不讀半行書。只把黃金買身貴。少年安得長少年。海波尚變為桑田。枯榮遞傳急於箭。天公豈肯為君偏。莫道韶華鎮長在白頭。面皺專相待。

驪山

蘇子瞻

君門如天深幾重。君王如帝坐法宮。人生難處

古文前集

是安穩何為來此驪山中。復道凌空接金闕。樓
觀隱煙橫翠空。林深霧暗迷八駿。朝東暮西勞
六龍。六龍西幸峨眉棧。悲風便入華清院。霓裳
蕭散羽衣空。麋鹿來遊依鶴怨。我上朝元春半
老。滿地落花無人掃。羯鼓樓高掛夕陽。長生殿
古生青艸。可憐吳楚兩醯雞。築臺未就已堪悲。
長楊五柞漢幸免。江都樓成隋自迷。由來流連
多喪國。宴安鳩毒因奢惑。三風十愆古所戒。不

必驪山可亡國

明河篇

宋之問

八月涼風天氣晶。萬里無雲河漢明。昏見南樓
清且淺。曉落西山縱復橫。洛陽城闕天中起。長
河夜夜千門裏。復道連甍共蔽虧。畫堂瓊戶特
相宜。雲母帳前初汎濫。水精簾外轉逶迤。倬彼
昭回如練白。復出東城接南陌。南北征人去不
歸。誰家今夜搗寒衣。鴛鴦機上疎螢度。烏鵲橋

邊一雁飛雁飛螢度愁難歇坐見明河漸微沒
已能舒卷任浮雲不惜光輝讓流月明河可望
不可親願得來槎一問津更將織女支機石還
訪成都賣卜人

題磨崖碑

黃山谷

春風吹船著浯溪扶藜上讀中興碑平生半世
看墨本摩挲石刻鬢如絲明皇不作苞桑計顛
倒四海由祿兒九廟不守乘輿西萬官奔竄烏

擇栖撫軍監國太子事何乃趣取大物爲事有
至難天幸耳上皇跼踏還京師內閣張后色可
否外間李父頤指揮南內淒涼幾苟活高將軍
去事尤危臣甫杜鵑再拜詩安知忠臣痛至骨
後世但賞瓊琚詞同來野僧六七輩亦有文士
相追隨斷崖蒼蘚對立久東雨爲洗前朝悲
○七言古風長篇

有所思

宋之問

古今文正 古文前集 七

洛陽城東桃李花飛來飛去落誰家幽閨兒女

惜顏色坐見落花長嘆息今年花落顏色改明

年花開復誰在已見松柏摧為薪更聞桑田變

成海古人無復洛城東今人還對落花風年年

歲歲花相似歲歲年年人不同寄言全盛紅顏

子須憐半死白頭翁此翁白頭真可憐伊昔紅

顏美少年公子王孫芳樹下清歌妙舞落花前

光祿池臺文錦綉將軍樓閣畫神仙一朝卧病

無相識三春行樂在誰邊婉轉蛾眉能幾時須

史鶴髮亂如絲但看古來歌舞地惟有黃昏鳥

雀飛

荔枝歎

蘇子瞻

十里一置飛塵灰五里一堠兵火催顛坑仆谷

相枕藉知是荔枝龍眼來飛車跨山鵲橫海風

枝露葉如新採宮中美人一破顏驚塵濺血流

千載永元荔枝來交州天寶歲貢取之涪至今

古今文正 古文前集 七

古今詩集 卷之五 古詩 十一

欲食林甫肉。無人舉觴酌。伯游我願天。公憐赤

子。莫生尤物為瘡瘡。雨順風調百穀登。民不飢

寒為上瑞。君不見武夷溪邊粟粒芽。前丁後蔡

相寵加。爭新買寵各出意。今年鬪品充官茶。吾

君所乏豈此物。致養口體何陋邪。洛陽相君忠

孝家。可憐亦進姚黃花。

定惠院海棠 自古未嘗見 此花 同黃香

江城地瘴蕃艸木。只有名花苦幽獨。嫣然一笑

竹籬間。桃李漫山紛麕俗。也知造物有深意。故

遣佳人在空谷。自然富貴出天姿。不待金盤薦

華屋。朱唇得酒暈生臉。翠袖卷紗紅映肉。林深

霧暗曉光遲。日暖風輕春睡足。雨中有淚亦悽

慘。月下無人更清淑。先生食飽無一事。散步逍

遙自捫腹。不問人家與僧舍。拄杖敲門看脩竹。

忽逢絕艷照衰朽。歎息無言揩病目。陋邦何處

得此花。無乃好事移西蜀。寸根千里不易到。俚

人

子飛來定鴻鵠天涯流落俱可念為飲一樽歌
此曲明朝酒醒還獨來雪落紛紛那忍觸

陶淵明寫真圖

謝幼槃

淵明歸去潯陽曲杖藜蒲鞵巾一幅陰陰老樹
轉黃鸝艷艷東籬繁霜菊世紛無盡過眼空生
事不豐隨意足廟堂之姿老蓬蓽環堵蕭條僅
容膝大兒頑鈍懶詩書小兒嬌癡愛梨栗老妻
日暮荷鋤歸欣然一笑共蝸室哦詩未遣愁肝

賢醉裏呼兒供紙筆時時得句輒寫之五言平

淡用一律田家酒熟夜打門頭上自有漉酒巾

老農時問桑麻長提壺挈榼來相親一樽徑醉

北窓卧蕭然自謂羲皇人此公聞道窮亦樂容

貌不枯似丹渥儒林紛紛隨溷濁山林高義久

寂寞假令九原今可作舉公藍輿也不惡

桃源圖

韓退之

神仙有無何渺茫桃源之說誠荒唐流水盤廻

山百轉生綃數幅垂中堂。武陵太守好事者題
 封遠寄南宮下。南宮先生忻得之波濤入筆驅
 文辭。文工畫妙各臻極。異境恍惚移於斯。架巖
 鑿谷開宮室。接屋連墻千萬植。羸顛劉蹶了不
 聞。地坼天分非所恤。種桃處處惟開花。川原遠
 近蒸紅霞。初來猶自念鄉邑。歲久此地還成家。
 漁舟之子來何所。物色相猜更問語。大蛇中斷
 夜前王。羣馬南渡開新主。聽終辭絕共悽然。自

說經今六百。年當時萬事皆眼見。不知幾許猶
 流傳。爭持牛酒來相饋。禮數不同樽俎異。月明
 伴宿玉堂空。骨冷魂清無夢寐。夜半金雞鳴。嘶
 鳴火輪飛出客。心驚人間有累不可住。依然離
 別難為情。船開棹進一回顧。萬里蒼茫煙水暮。
 世俗寧知偽與真。至今傳者武陵人。
 書王定國所藏煙江墨嶂圖。王晉卿畫。

東坡

江上愁心三疊山。浮空積翠如雲煙。山耶雲耶

遠莫知。煙空雲散山依然。但見兩崖蒼蒼暗絕

谷。中有百道飛來泉。繁林絡石隱復見。下赴谷

口。為奔川。川平山開林麓斷。小橋野店依山前。

行人稍度橋木外。漁舟一葉江吞天。使君何從

得此本。點檢毫末分清妍。不知人間何處有此

境。徑欲往。置二頃田。君不見武昌樊口幽絕處。

東坡先生畱五年。春風搖江天。漠漠暮雲捲雨

山娟娟。丹楓翻鴉伴水宿。長松落雪驚醉眠。桃

花流水在入世。武陵豈必皆神仙。江山清空我

塵土。雖有去路尋無緣。還君此畫三嘆息。山中

故人當有招我歸來篇。

寄盧仝

韓退之

玉川先生洛城裏。破屋數間而已矣。一奴長鬚

不裹頭。一婢赤脚老無齒。辛勤奉養十餘人。上

有慈親下妻子。先生結髮憎俗徒。閉門不出動

張仲良正 世文前集 中 三十一

一紀至令鄰僧乞米送僕不縣尹能不耻俸錢

供給公私餘時致薄少助祭祀勸參畱守謁大

尹言語纔及輒掩耳水北山人得名聲去年去

作幕下士水南山人又繼往鞍馬僕從塞閭里

少室山人索價高兩以諫官徵不起彼皆刺口

論世事有力未免遭驅使先生事業不可量惟

用法律自繩已春秋三傳束高閣獨抱遺經究

終始往年弄筆朝同異怪辭驚衆謗不已近來

自說尋坦途猶上虛空跨駮駟去歲生兒名添

丁意令與國充耘耔國家丁口連四海豈無農

夫親耒耜先生抱才必大用宰相未許終不仕

假如不在陳力列立言垂範亦足恃苗裔當蒙

十世宥豈謂貽厥無基址故知忠孝出天性絜

身亂倫安足擬昨夜長鬚來下狀隔牆惡少惡

難似每騎屋山下窺瞰渾舍驚怕走折趾憑依

婚媾欺官吏不信令行能禁止先生受屈未曾

公化 卷七 古文前集 中 三十一

及仙正
古文前集
中

語忽此來告良有以嗟我身為赤縣尹操權不

用欲何俟立召賊曹呼五百盡捉鼠輩戶諸市

先生又遣長鬚來如此處置非所喜况又時當

長養節都邑未可猛政理先生固是余所畏度

量不敢窺涯涘放縱是誰之過歟效尤戮僕愧

前史買羊沽酒謝不敏偶逢明月耀桃李先生

有意許降臨更遣長鬚致雙鯉

○長短句

春桂問答

王維

問春桂桃李正芳華年光隨處滿何事獨無花

春桂答春華詎幾久風霜搖落時獨秀君知不

將進酒

李太白

君不見不見黃河之水天上來奔流到海不復迴又

不見高堂明鏡悲白髮朝如青絲暮如雪人生

得意須盡歡莫使金樽空對月天生我材必有

用千金散盡還復來烹羊宰牛且為樂會須一

斗此夜正

飲三百杯。岑夫子丹丘生。與君歌一曲。請君為

我側耳聽。鍾鼎玉帛不足貴。但願長醉不願醒。

古來賢達皆寂寞。惟有飲者留其名。陳王昔日

宴平樂。斗酒十千恣歡譁。主人何為言少錢。且

須沽酒對君酌。五花馬千金裘。呼兒將出換美

酒。與爾同銷萬古愁。

觀元丹丘坐巫山屏風 同

昔遊三峽見巫山。見畫巫山宛相似。疑是天邊

十二峯。飛入君家彩屏裏。寒松蕭瑟如有聲。陽

臺微茫如有情。錦衾瑤席何寂寂。楚王神女徒

盈盈。高尺尺如千里。翠屏丹崖粲如綺。蒼蒼遠

樹圍荆門。歷歷行舟汎巴水。水石潺湲萬壑分。

煙光草色俱氤氳。溪花笑日何時發。江閣聽猿

幾歲聞。使人對此心緬邈。疑入高丘夢。綵雲

三五七言 同

秋風清。秋月明。落葉聚還散。寒鴉栖復驚。相思

相見知何日。此日此夜難為情。

登梁王栖霞山孟氏桃園中 同

碧草已滿地。柳與梅爭春。謝公自有東山妓。金

屏笑坐如花人。今日非昨日。明日還復來。白髮

對綠酒。強歌心已摧。君不見梁王池上月。昔照

梁王樽酒中。梁王已去明月在。黃鸝愁醉啼春

風。分明感激眼前事。莫惜醉卧桃園中。

將進酒 同

琉璃鍾。琥珀濃。小槽酒滴真珠紅。烹龍炮鳳玉

脂泣。羅幃綉幕圍香風。吹龍笛。擊鼉鼓。皓齒歌

細腰舞。况是青春日將暮。桃花亂落如紅雨。勸

君終日酌。酩酊醉。酒不到劉伶墳上土。今日笑入

高軒過 李長吉

華裾織翠青。如葱金環壓纒搖玲瓏。馬蹄隱耳

聲。隆隆入門下。馬氣如虹云是東京才子文章

鉅公。二十八宿羅心胸。元精炯炯貫當中。殿前

此世王 姑蘇前集 卷中

作賦聲摩空。筆補造化天。無功。顰眉書客感秋蓬。誰知死草生華風。我今垂翅附冥鴻。他日不羞蛇作龍。

有所思

盧仝

當時我醉美人家。美人顏色嬌如花。今日美人弄我去。青樓珠箔落天涯。娟娟姮娥月三五。二八盈又缺。翠眉蟬鬢生別離。一望不見心斷絕。心斷絕。幾千里。夢中醉卧巫山雲。覺來淚滴湘

江水。湘江兩岸花木深。美人不見。愁人心含愁。更奏綠綺琴。調高絃絕無知音。美人兮。美人不知為暮雨。今為行雲。相思一夜梅花發。忽到窓前。疑是君。

行路難

張載

湘東行人長歎息。離家十年歸不得。敝裘羸馬苦難行。僮僕盡飢少筋力。君不見。牀頭黃金盡。壯士無顏色。龍蟠泥中未有雲。不能生彼昇天

翼

邀月亭

馬子才

亭上十分綠醕酒。盤中一筋黃金雞。滄溟東角
邀姮娥。水輪碾上青琉璃。天風洒掃浮雲沒。千
岩萬壑瓊瑤窟。桂花飛影入盞來。傾下胸中照
清骨。玉免搗藥與誰餐。且與豪客畱朱顏。朱顏
如可畱。恩重如山。為君殺却蝦蟇精。腰間老
劍光芒寒。舉酒勸明月。聽我歌聲發。照見古人

多少愁更與今人照離別。我曹自是高陽徒。肯
學羣兒嘆圓缺。

長淮謠

同

長淮之水青如苔。行人但覺心眼開。湘江豈無
水。魚腹忠魂埋。但見愁雲結雨。猿聲哀。浙江豈
無水。鴨革漂胥尸。但見潮頭怒氣如山來。孤臣
詞客到江上。何以寬心懷。長淮之水遶楚流。先
生家住淮上頭。黃金萬斛浴明月。碧玉一片含

此詩三首 長淮謠 馬子才

清秋酒花入面歌一聲淮上百物無閑愁

贈寫真何秀才

蘇子瞻

君不見洛州別駕眼如電左手挂弓橫撚箭又

不見雪中騎驢孟浩然皺眉吟詩肩聳山饑寒

富貴兩安在空有遺像畱人間此身常擬同外

物浮雲變化無蹤跡問君何苦寫我真君言好

之聊自適黃冠野服山家容意欲置我山岩中

勲名將相今何限往寫褒公與鄂公

薄薄酒

同

薄薄酒勝茶湯粗粗布勝無裳醜妻惡妾勝空

房五更待漏靴滿霜不如三伏日高睡足北窓

涼珠襦玉匣萬人祖送歸北邙不如懸鶉百結

獨坐負朝陽生前富貴死後文章百年瞬息萬

世忙夷齊盜跖俱亡羊不如眼前一醉是非憂

樂都相忘

與潛令刀同年野翁亭

同

山翁不出山。溪翁長在溪。不如野翁來往溪山間。上友麋鹿下鳧鷖。問翁何所樂。三年不去煩。推擠翁言此間亦有樂。非絲非竹非蛾眉。山人醉後鐵冠落。溪女笑時銀櫛低。我來觀政問風謠。皆云吠犬足生鼈。但恐此翁一旦捨此去。長使山人索寞溪女啼。

太行路

白樂天

太行之路能摧車。若此入心是坦途。巫峽之中能覆舟。若此入心是安流。君心好惡苦不常。好生毛髮惡生瘡。與君結髮未五載。豈期牛女為參商。古稱色衰相棄背。當時美人猶怨悔。何況如今鸞鏡中。妾顏未改君心改。為君重衣裳。君聞蘭麝不馨香。為君盛容飾。君看珠翠無顏色。行路難難重陳。人生莫作婦人身。百年苦樂由他人。行路難難於山險。於水不獨人間。夫與妻近代君臣亦如此。君不見左納言右納史。朝承

恩暮賜死行路難不在水不在山祇在人情反覆間

七德舞

白樂天

七德舞七德歌傳自武德至元和元和元和小臣白居易觀舞聽歌知樂意曲終稽首陳其事太宗十八舉義兵白旄黃鉞定兩京擒充戮竇四海清二十有四功業成二十有九即帝位三十有五致太平功成理定何神速速在推心置入腹

凶卒遺骸散帛收飢人賣子分金贖魏徵夢見天子泣張謹哀聞辰日哭怨女三千放出宮死囚四百來歸獄剪鬚燒藥賜功臣李勣嗚咽思殺身含血吮瘡撫戰士思摩奮呼乞效死則知不獨善戰善乘時以心感人人人心歸爾來一百九十載天下至今歌舞之歌七德舞七德聖人有作垂無極豈徒耀神武豈徒誇聖人太宗意在陳王業王業艱難示子孫

磨崖碑後

張文潛

玉環妖血無人掃。漁陽馬厭長安艸。潼關戰骨
 高於山。萬里君王蜀中老。金戈鏃馬從西來。郭
 公凜凜英雄才。舉旗為風偃為雨。洒掃九廟無
 塵埃。元功高名誰與紀。風雅不繼騷人死。水部
 胸中星斗文。太師筆下龍蛇字。天遣二子傳將
 來。高山十丈磨蒼崖。誰持此碑入我室。使我一
 見星眸開。百年廢興增歎慨。當時數子今何在。

君不見荒涼渚水棄不收。時有遊人打碑賣。

勸酒惜別

張珩崖

春日遲遲輾空碧。綠楊紅杏描春色。人生年少
 不再來。莫把青春枉拋擲。思之不可令人驚。中
 有萬恨千愁并。今日就花始暢飲。坐中行客酸
 離情。我欲為君舞長劍。劍歌苦悲人苦厭。我欲
 為君彈瑤琴。淳風死去無同心。不如轉海為飲
 華為幄。羸取青春片時樂。明朝匹馬嘶春風。洛

陽華發。燕脂紅。車馳馬走。狂似沸。家家帳幕臨。晴空天子聖。明君正少。勿恨功名苦不早。富貴

有時來。偷閑強歡笑。莫與離憂買生老。

古意

釋貫休

常思李太白。仙筆驅造化。玄宗致之七寶牀。虎

殿龍樓無不可。一朝力士脫靴後。玉上青蠅生

一箇紫皇案前五色麟。忽然掣斷黃金鎖。五湖

大浪如銀山。滿船載酒槌鼓過。賀老成異物。顛

狂誰敢和。寧知江邊墳。不是猶醉卧。

蜀道難

李白

噫噓噓。危乎高哉。蜀道之難。難於上青天。蠶叢

及魚鳧。開國何茫然。爾來四萬八千歲。不與秦

塞通。人煙西當太白。有鳥道可以橫絕。峨眉巔

地崩山摧。壯士死。然後天梯石棧相勾連。上有

橫河斷海之浮雲。下有衝波逆折之回川。黃鶴

之飛。尚不能過。猿猱欲度愁攀緣。青泥何盤盤。

百步九折縈岩巒。捫參歷井仰脅息。以手撫膺坐長歎。問君西遊何當還。畏途巉岩不可攀。但見悲鳥號古木。雄飛呼雌繞林間。又聞子規啼夜月。愁空山。蜀道之難。難於上青天。使人聽此。凋朱顏。連峯去天不盈尺。枯松倒掛倚絕壁。飛湍瀑流爭喧豗。砢崖轉石萬壑雷。其險也如此。嗟爾遠道之人。胡為乎來哉。劍閣崢嶸而崔嵬。一夫當關萬夫莫開。所守或匪親。化為狼與豺。

朝避猛虎夕避長蛇。磨牙吮血殺人如麻。錦城雖云樂。不如早還家。蜀道之難。難於上青天。側身西望長咨嗟。

廬山高

歐陽永叔

廬山高哉幾千仞。今根盤幾百里。截然屹立乎長江。長江西來走其下。是為揚瀾左。羣蟲兮洪濤。巨浪日夕相舂撞。雲消風止水鏡淨。泊舟登岸而遠望兮。上摩青蒼以掩靄。下厭后土之鴻龐。

試往造乎其間兮。攀緣石磴。窺空窟。千巖萬壑。
響松檜。懸崖巨石。飛流淙水。聲聒聒。亂人耳。六
月飛雪。灑石砭。仙翁釋子。亦往往而逢兮。吾嘗
惡其學幻而言詭。但見丹霞翠壁。遠近映樓閣。
晨鐘暮鼓。杳靄羅旛。幢幽花野艸。不知其名兮。
風吹霧濕。香澗谷。時有白鶴飛來。雙幽尋遠去。
不可極。便欲絕世遺。紛厯羨君買田築室老。其
下。插秧盈疇兮。釀酒盈缸。欲令浮嵐暖翠。千萬

狀。坐卧常對乎軒窓。君懷磊砢。有至寶。世俗不
辨珉與玳。策名爲吏二十載。青衫白首。困一邦。
寵榮聲利。不可以苟屈兮。自非青雲白石。有深
趣。其意兀硯。何由降丈夫。壯節似君少。嗟我欲
說安得。巨筆如長杠。

魁本大字諸儒箋解古文真寶卷之中尾



私心文正 古文前集 中 三十五

